

COMUNICÂT STAMPE

Il volum di Felice e Patui al sarà presentât il Prin di Març al “Giovanni da Udine”

IL TEATRI FURLAN, MICROSTORIE DI UN REPERTORI JENFRI 800 E 900

Udin, ai 28 di Fevrâr 2013 – Al sarà presentât vinars 1ⁿ di Març, aes 18.00, al Teatro Nuovo Giovanni da Udine il volum “Il teatro friulano – *Microstoria di un repertorio tra Otto e Novecento*” di Angela Felice e Paolo Patui.

Seconde opare de piçule golaine publicade de Fondazione Teatro Nuovo Giovanni da Udine e Forum Editrice Universitaria Udinese, la publicazion e je realizade in colaborazion cun Farie Teatrâl Furlane e la poie de ARLeF Agenzie regionâl pe lenghe furlane e de Region Friûl Vignesie Julie.

La grande creativitât dal repertori teatrâl furlan dai ultins cent e cincuant agns e ven analizade te sô storie, evoluzion e atualitât. Imagjinis di altris timps, tocs antologjics, intervents di studiôs e operadôrs teatrâls che a inricjissin un libri indispensabil pai amants dal teatri e un impuartant strument par aprofondî la storie sociâl e culturâl dal Friûl tai ultins doi secui.

La publicazion e nas de esperience des lezioni- spettacul tignudis dai autôrs al Teatro Nuovo Giovanni da Udine tal 2010 te suaze de iniziative di valorizazion dal repertori teatrâl in lenghe furlane “*Sipari Furlan*”.

Al incuintri a saran presints i autôrs che a dialogaran cul gjornalist Paolo Medeossi daspò i salûts di Tarcisio Mizzau, president de Fondazione Teatro Nuovo ‘Giovanni da Udine’ e di William Cisilino, diretôr de ARLeF. Atôrs dal ‘Gruppo della Loggia’ e dal ‘Teatro Incerto’ a recitaran cualchi toc dal libri.

Elisabetta Pozzetto

Region Autonome Friûl Vignesie Julie

[ARLeF – Agenzie Regjonâl pe Lenghe Furlane](#)

Place ai XX di Setembar 23

33100 Udin

0039 0432 555724 fax 0432 204158 mob 0039 335 8002058